

یوہ آکا شوانی جموں ہے محبوب سلطانہ تین خبر سنو۔

PM ADDRESS

وزیر اعظم نریندر مودی نے کہی وہے جے بھارتی مسلح افواج کی طرفوں شروع کیو گیو آپریشن سندور صرف نانہہ ہی نہیں بلکہ قوم کا اک جٹ جزبات تے حوصلہ کی اک طاقتور علامت ہے پچھلی شام قوم سنگخطاب کرتا مانہہ وزیر اعظم نے کہیو جے آپریشن سندور نے دہشت گردی غے خلاف جنگ مانہہ اک نوہ معیار تے معمول قائم کیو ہے جناب نریندر مودی نے کہیو جے ہون ایٹمی دھمکی برداشت نہیں کی جاسیں تے بھارت ہون اپنی مرضی سنگ دہشت گردی گو منہ توڑ جواب دے غوانہاں نے کہیو جے دہشت گردان نانہہ جگہ تے تحفظ دین آلا نانہہ دہشت گردی توں الگ نہیں سمجھیو جاسیں۔ وزیر اعظم نت آپریشن سندور گے دوران مسلح افواج کی جرت بہادری تے حوصلہ نانہہ سلام پیش کیو۔

DRONE SAMBA

سمار دیر رات بین القوامی سرحد کول جموں گا سانہہ ضلع تے گوانڈی ریاست پنجاب گا جلندھر ضلع مانہہ گجھ گھنٹاں توڑی ڈرون کی سرگرمی دیکھی گئی تے اس سلسلہ مانہہ فوج نے بعد مانہہ دسیو ہے صورت حال پر امن تے قابو مانہہ ہے اس ضمن مانہہ فوج نے دیر رات دسیو جے اس ویلے کسے وی دشمن ڈرون کی خبر نہیں ہے۔ تے گھبران کی کاے ضرورت نہیں ہے قابل ذکر ہے جے سرحد کول ڈرون سرگرمی وزیر اعظم نریندر مودی کی طرفوں آپریشن سندور توں قوم سنگ پہلا خطاب تیہارت پاکستان گ افوجی کارواں یاں بارے ڈاکٹر جنرل کی ملاقات تو گجھ گھنٹاں بعد دیکھی گئی تھی۔

JAMMU AIRPORT

پچھلی رات سانہہ ضلع تے دوجا علاقان مانہہ مشتبہ ڈرون دیکھن توں بعد جموں ہوائی اڈاں توں ہوائی پروازاں نے اک بار فر تو ملتوی کردتو گیو ہے مہارا جموں گا نمائندہ نے دسیو جے سرینگر بین القوامی ہوائی اڈاں توں پروازاں گو سلسلو اج تو فر شروع ہو جے غو جدکہ اگلا حکم توڑی جموں فضائی حدود نانہہ بند رکھیو گیو ہے اس سلسلہ مانہہ انڈیگو ایر لائن گیٹرفوں جاری سفری ہدایت نامہ مانہہ دسیو گیو ہے جے جموں توں چندھگڈھ لہ سرینگر تے راجکوٹ واسطے آن جان آلی تمام پروازاں نانہہ مسافراں کی حفاظت کے پیش نظر بند رکھیو گیو ہے قابل ذکر ہے جے ۵ تہاڑاں توں جموں ہوائی اڈاں توں پروازاں گو سلسلو بند رہن تو بعد پچھلے تہاڑے اک بار فر توں شروع ہوئیو تھو۔

DGMO TALKS

بھارت تے پاکستان بشکار پچھلی شام نانہہ فوجی کارواں یاں گا ڈاکٹر ریکر جنرل سطح کی گل بات منعقد ہوائی ہے اس سلسلہ مانہہ بھارتی فوج نے اک بیان مانہہ دسیو ہے جے اس دوران دو ملکان کی طرفوں عزم نانہہ برقرار رکھن متعلق معلومات ور گل بات کی گئی تے نال ہی نال دو ملکان کی طرفوں اک وی گولی نانہہ چلائی جان تے اک دوجا گے خلاف کوئی وی جارہانہ یادشمیانہ کارواں نانہہ کی جان بارے وی گل بات کی گئی اس دوران دو پاسے توں سرحد تے اگلی چوکیاں توں فوج نانہہ کھٹ کرن واسطے فوری قدم چان بارے وی غور کیو گیو۔

DY CM TREVA

آئی ب وزیر اعلیٰ سریندر چودھری نے پچھلے تہاڑے اپنو فرض نبھا تا مانہہ شہید ہون آلا رفل سنیل کمار گا خاندان سنگ دلی تعزیت گو اظہار کیو ہے آئی ب وزیر اعلیٰ نے آرنہ علاقہ گا گراں رنگپور تریوا گو دورو کرگے رفل سنیل کمار گا کٹبہ سنگ ہمدردی گو اظہار کیو انہاں نے شہید سنیل کمار نانہہ خراج عقیدت پیش کرتا مانہہ کیو جے قوم واسطے دتی گئی انہاں کی قربانیاں نانہہ ہمیشہ یاد رکھیو جے گو آئی ب وزیر اعلیٰ نے کہیو جے حکومت اہل خانہ سنگ اس دکھ گا ویلا مانہہ کھلی وی ہے تے انہاں نے اس ناقابل تلافی نقصان نانہہ برداشت کرن بارے دعا وی کی۔

RANA POONCH

جل شکتی گا وزیر جاوید احمد رانا نے پچھلے تہاڑے جامعہ دیہ العلوم پونچھ گو دورو کرگے حالیہ گولی باری توں ہون آلا نقصان گو جٹایو لہو ہے وزیر موصوف نے قبضہ لکیر گے اس پار توں اندادھند گولی باری توں قوت ہون ولا قاری محمد اقبال کی موت ور ڈاڈا دکھ گو اظہار کیو اس دوران وزیر موصوف نانہہ مالانہ سعید حبیب نے پونچھ تے خاص طور ور زیہ العلوم مانہہ ہون آلا نقصان بارے تفصیلی جانکاری دتی جناب جاوید رانا نے اداراں کی منیجمنٹ کی طرفوں غیر سرکاری تنظیمیں تے انتظامیہ سنگ رل گے اوکھا ویلے مانہہ لوکاں کی مدد کرن کی سربنا وی کی۔

SATISH BSF HOMAGE

ٹرانسپورٹ گا وزیر ستیش شرما نے پچھلے تہاڑے سرحدی حفاظتی دستاں بیایس ایف گا بہادر جوان نانہہ فرنٹیز صدر مقام جموں مانہہ واقع شہید سمارگ مانہہ منعقدہ تقریب گے دوران خراج عقیدت پیش کیو یا تقریب ۱۱ مئی ۲ ہزار ۵۲ نانہہ ملک کی خاطر اپنو فرج نبھاتا مانہہ شہید ہون آلا کانستبل دیپک گا اعزاز مانہہ منعقد کی گئی تھی وزیر موصوف نے یادگار ور پھول چاڑگ تے خاموشی اختیار کرگے نوجوان سپاہی کی عظیم قربانی نانہہ خراج عقیدت پیش کیو۔ اس تیں پہلاں جناب ستیش شرما نے سرحدی حفاظتی دستاں گا افسر سب انسپکٹر محمد امتیاز نانہہ پھولاں غی چادر چاڑ غے خراج عقیدت پیش کیو جنہاں نے وطن غی خاطر اپنی جان گو نظرانو پیش کیو ہے۔

SCHOOLS OPEN

سرکار نے آج توں یعنی 13 مئی توں غیر سرحدی ضلع مانہہ سکول تے کالج کھولن گو فیصلو کیو ہے سماجی میڈیا کی سٹیٹ ویئر تعلیم سکتینہ اتو نے اک پوسٹ مانہہ اس گل کی جانکاری دیتا مانہہ دسیو جے جموں تے کشمیر گا غیر سرحدی ضلع مانہہ 13 مئی ۲ ہزار 25 توں سکول تیکالجاں نانہہ کھولیو جے گو واضع رہ جے یوہ فیصلو حالیہگولی باری توں بعد زمینی صورتحال گو مکمل جیازو لین توں بعد لیو گیو ہے جد اس سلسلہ مانہہ سرحدی علاقاں مانہہ طالب علماں تے عملا کی حفاظت گے پیش نظر تعلیمی اداراں نانہہ بند رکھیو گیو ہے۔

NEWS READ BY MEHBOOB SULTANI
EDITOR KUNAL SHRIVATSA
TECH ASST PALLAVI
SKILLED TARSEM
DEO NUSRAT